

Naast de verbinding Brussel-Antwerpen-Rotterdam bleef de eenmaal wekelijkse dienst op Axel gehandhaafd. In maart 1957, wanneer de Heliport te Parijs in gebruik kan worden genomen, zal een rechtstreekse dienst tussen Rotterdam en Parijs worden geopend.

GHERARD ALEMAN VAN ROTTERDAMME

Int jaer ons Heren dusent driehondert ende twe ende dertich des Vrijedaghes na zante Agathendaghe (1332 febr. 7) qwamen voer ons Johan Scutemaker, onse porter ende bekende des, dat hi sculdech ware Gherarde Aleman van Rotterdamme drie pond holl. Ende heft gheloeft voer ons ende voer dien sculten, alse voer Boldewen Scelewarde, up Pinxtrendach toe ghevene Ghererde Aleman vorseyt jof Boldewin Scelewart van zinre weghene eyn pont holl. ende toe zant Laurensdaghe daernaest (comende) eyn pont holl. ende toe Vastelavonde daernaestcomende eyn pont holl. Ende ware dat zake, dat hi des neet en dade zoe mach men dat gelt penden uyt zienen guede zonder claghe. Ende daermede ziin zie ghesceyden van beyden zieden.

Int jaer ons Heren MCCCXLI up zante Petersdach ende zante Paulus (1341 juni 29) qwaem voer ons Johan Scutemaker mit zinen wive ende bikanden, dat zie sculdech ziin ende waren Gherarde Aleman ende zinen rechten erfnamen van Rotterdamme drye pont holl. ende daervan zael hi hem toe Passcen naestcomende (gheven) eyn punt holl. ende toe Passcen daernaest eyn punt holl. ende daernaest toe Passcen eyn punt holl. Ende waret zake, dat zie hem dat neyt en bitaelden, zoe mach men hem dat uyt-panden zonder claghe uyt alle oren guede, zoe woer dat ghelegghen is. Vortmer ware dat zake, dat Johan Scutemaker toe moechte brenghen mit orkunde gueder lude, dat hi Gherarde gelt hadde bitaelt, alze dat die scepene kennen dat recht is, dat zael men hem afslaen van dien hoeftstoel vorseyt.

Dr. Joh. A. Kossmann-Putto

Kamper Schepenacten, 1316-1354, blz. 198 en 274.